



采薇集利冊

抱一山人董傳策漫賦

歌行襍篇

秋湖引

君不見宋家南渡臨安都秋風桂子飄西湖美人能
歌士能賦車船終夜傾歡娛一朝吳山立胡馬向日
繁華掃地徂我朝驅胡大一統浙江分藩奉廟謨西
湖依舊桂花開繁華不減遊人呼近來島夷蹂內地
却憐秋景半荒蕪吁嗟西湖幾隆替今時全盛民力

痛修攘無計消隱憂誰能弘濟寬征逋我來西湖秋
正好感時不用開清酤明朝征戍南荒去雙眼煙波
還有無

劔江歌

豐城昔有雙龍劔精氣沉埋古獄邊神物出世應有
時靈光遙顯張茂先爰令雷煥掘其獄光芒照耀迷
九天煥也寶之佩其一 一者遙致張公前雙龍乍離
還復合忽然飛去江風顛江風大作龍正吼雄者躍
出雌者連異哉靈劔韶其精坐令五湖擾中原吾聞

鑄劔斬羣妖劔乎劔乎胡不傳吁嗟神物歸何處劔
江日夜江流泉

洞庭歌爲張子儀賦

秋風搖颺催殘暑林蜩日午鳴踟躕涉江桂楫揮征
夫揮征夫鴻鴈嗷嗷乃在路之隅張子別我南渡楚
自言道出洞庭湖使我心神飛越發吳歛漫論別離
苦聽我洞庭歌洞庭水折楚南陲岳陽撼擊天下奇
瀾漫巨浸八百里汪洋澎湃何逶迤飛瀑晶熒瀉白
日懸崖激濫射青嶼上吞瀟湘江漢九派之洪流下

衝雲夢大澤兮清涵乾之太始而濁散坤之四維中
有嶮絕蒼翠之君山孤竹森森淩漾陂晴曦點照山
添色江淨沙澄影沉碧煙靄依微恬浩波飛廬穩臥
風檣直清宵皎月澹瑤華窈渺湘靈聞鼓瑟恍如銀
漢珠宮耀一區又疑鮫人湛露擎玻璃天光萬頃瑩
無跡平湖一幅掛陸離青螺白練茲其時仙槎上漢
來何遲俄然六合彤濛生冥霧山氣蒸雲雨無數祇
見遙空中神情倏閃鬪魚龍又聞轟轟然風霆搏石
聲吼怒號平震戢哉滄嶼昏微迷咫尺萬木蕭蕭掣

江圍鼉鼉跳跟翻白波徂徠驚躅復嘯聚日慘慘兮
夜沉沉孤鳥不敢下水伯亦回顧三苗據此禹班師
赭山猶陰湘君樹噫吁嘻危乎洞庭之奇如此哉洞
庭日夜水東流古今宇內空浮埃君今欲渡何爲來
漁父不可作弔湘有餘哀吾曹歌此一徘徊使君聽
之朱顏頹且爲置此各銜杯憶昔黃鶴仙人過此人
不識黃鶴樓中吹玉笛君今神遊八極之表兮飄飄
然握幽蘭懷白璧何不乘風馭氣一從之令授回天
地祛風雲之妙術君方長嘯危騫渡此湖扶搖九萬

生羽翼覽遍湘南湘北之春色歸來浩氣薄太虛天
馬猶嚼黃金勒

粵西山水歌

粵西山水甲天下蜀中險絕此其亞瀧濤飛出水晶
宮龍齒潺湲舟底窄仰視流光一竅通衆石尖尖撐
太空煙嵐直聳星斗落日中半是參天峯峯勢參天
江欲瀉懸崖縹渺靈根射削如玉笋秋不凋突如長
鎗鋒倒掛巖洞玲瓏何太奇訇然中開峙兩儀疑有
神斧鑿其穴牽連秘詭光陸離飛雲孤絕控西楚靈

鷲盤旋鳥猿舞遊覽縱橫不記名大者人傳可歷數
桂林城標風洞山石壁巉巖大窟園七星巖帶龍淵
起隱山六洞洞開顏江邊復有還珠洞象鼻之山江
勢湧從此直下灘江來兩涯山石彌江縫江灘閃出
鯨鯢踪歷落灘聲石可舂昭平南渡龍門險蒼梧瘴
沒雲山重潯陽水析藤江浦烏蠻灘遙那可渡諸灘
捲出邕管平崑崙西接柳慶路聞道柳慶路崎嶇峭
然天險土荒蕪奇山拔出洞常裂江道半塞蠻張弧
行人操戈出城郭雖有山川難自樂兩江左右風不

殊炎蒸蛇豕誰運畫憶昔秦漢開邊寰宋家設鎮中
險艱伏波銅柱標南極武襄勲在崑崙關我朝韓公
斷藤峽桓桓中丞興廟畧諸蠻竦息不敢譁後來府
江還着脚思田倡亂姚公徂新建撫定降盧蘇還借
兵威平八寨三十年來寇漸多吁嗟粵山徒聳突江
流不轉山露骨狼煙日夜起江波誰云靈氣鍾厥物
我來遠戍作逐臣全生仰沐

天王恩殊方豈恠風土惡却憶高堂玄髮人登臨悵
然百感集游子長帶風塵色山自高高水自流那堪
慰解離人臆披撥不辨馬牛呼猶向江山強自娛茲
遊奇絕恐難記我作斯歌當畫圖

枕榔行

吾聞南中之產殊不俗乍來此處看枕榔孤根崑起
大於抱挺然中立摩天光瘦如削壁不枝蔓勁如精
鐵突跟踉皎如玉樹搖銀海青如琅玕千尺強盤節
蕭疎散角葉清風吹作虬龍翔厥包綜密木惟喬厥
實纍纍森相望掀髯夾莖攀其實

枕榔子赤如珊瑚
本草謂之馬檳榔

食之解瘴氣珊瑚錯落瀉石梁餐之坐令瘴煙消仙人赤

脚神飛揚厥綜縛之韌不裂綜韌可作綆廣人以縛巨船巨川行

邁濟舟航厥木采之刮弩幹舍矢如破成穿楊仰披

廣厦承雨露作箸借之堪籌王約之稜尺燦鎮紙卓

然不倚稱端方柄之戈矛激流電斲之拄杖籍扶匡

矯矯蒼藤鞭巨石飛星走兔紛裂裳木堅可碎石異哉骨

鯁振風槩斗爾難攀木形壁立採者每緣竹而上直以剛高標炎

海秋復春梓人材之罕不減况乃澹然無染破脂膏

黃中通理有文章其華不露其中虛獨行雖峻無他

腸復有蒼茫微妙不饑藥中有黃粉可作飯噉之不饑黃精之飯

勝膏梁曝日蒸之甘且馥令人顏色美好壽而康吁

嗟此物何為者風流曾惱蘇大郎東坡嘗以枕椰杖寄張文潛折

簡曳杖誰禁當我來坐嘯枕椰旁翛然擊節抽扶桑

手摩蒼壁睨天柱放歌無乃瘦而狂翻令柔曼失傾

意嗟爾枕椰生慨慷嗟爾枕椰生慨慷

青山歌

青山高千峯石笋插層霄青山下江水平鋪村影射

青山小卷石嶙峋竹啼鳥青山大五象星羅吹響籟

青山晴波光萬頃盤蛇城青山雨煙靄微茫罩松樹

青山風蛟龍吼怒凌長空青山月青螺一點銀盤突
青山暝漁歌欸乃搖江鈴青山曉玉露灑灑斷林杪
青山清一服泉飛石上聲青山四時常不老遊子天
涯覺春好我携春色上山來山花片片迎春開仙人
雲蓋飄亭子泉水之清洵且美我愛泉清濯我纓白
雲裊裊銜杯生披雲直上崑崙頂鞭龍一決翻滄溟
却洗塵氛破炎昊路上行人怨芳草

響泉歌

有引

有仙客携琴上青山余因招致亭中面泉而

鼓之厥聲冷然清也聽之者飄飄有凌虛之
想爰爲作響泉歌歌不擇韻隨口而成

春煙澹蕩江波平山石扶搖亭子橫有客携琴山上
行招致方外同登瀛坐來轉愛春景明二儀懸光白
日晴原泉混混毓山靈客將振羽遊滄溟臨亭和絃
戛以鏗春風一曲響泉琴聽之使我心神清忽然萬
木皆春聲落花游絲如有情林間好鳥相和鳴遊魚
出聽大樂成高山流水傳遺音覺時觸處道心生堪
作羲皇世上人

崑崙歌

送顧侍御
一貫出巡

崑崙山高控西粵飛蟠千丈何奇絕青峯突出破大
荒赤螭夭矯森石骨氣核橫攢玉碎圓巖泉灣瀉珠
流沫怪樹枯籐掛老崖雲屏疊斷栴蛇穴山精嘯風
瘴作雨菁篁颯杳嵐煙掣枕榔枝暗珊瑚拳荔子花
班鷓鴣舌陽和偏落四時花鬱蒸不夢三冬雪涼燠
俄驚變曉昏亭午日高雲乍撥羲景依微盪綠鬢蠻
疆一望迷丘垤瀧練疑摩峭壁牙竅天欲墮盤江髮
星躔翼軫古隘關邕管西迤領方接明都銅柱鎮華

夷汴宋醜儂猶宰割經畧曾標京觀雄奇兵一夜關
南奪至今馬狄並高勲八寨還嗣新建烈滄嶼不改
戎機銷羣狙跳梁誰式遏彌原荒頓轉沅移生齒難
繁聲教闕使君行部踏春來春光縹渺薰颺發繡斧
擎翻瘴嶺霞花驄嘶控皇華節霜姿只飽苜蓿餐滿
道清風洗炎熱飄蕭萬里載馳驅今古興懷猛吹徹
我戍徒慚白面生君巡自憶丹穹闕相逢且莫誇壯
遊好向明時樹宏業振衣八極被九垓俯視崑崙成
一撮

武夷歌

丙寅春同惟修遊武夷山作

春風吹上武夷山
 山樹青蔥逕作盤
 赤石矯矯亭琅玕
 何許仙人留洞天
 洞天咫尺渺難見
 但見真爐活水點
 成巖巖丹窟大於拳
 幔亭一撤仙人還
 獅子吼落羣峯寒
 月明清夜生哀怨
 溪流九曲弄潺湲
 九曲潺湲採芳杜
 棹歌奇絕歸何處
 昇真化作採真遊
 層阿薜荔縈春渚
 上有蒼煙紫氣漠
 漠遞長風下有琪壇
 瑤圃香滃勃今參
 差碧落零溪霧
 溪霧霏微興不慳
 扁舟搖颺隨風湍
 瀧漸珠沫碎復圓
 片片劈出屏

風巖觀音玉女遙相望
 紅顏不染鏡臺懸
 江天一線疑明滅
 陡崖絕巘愁攀援
 兩岸撐空樹抱灣
 枝頭好鳥叫綿蠻
 乍驚人語寂復喧
 一曲一曲清且漣
 松濤

颯斷架壑船响聲遙接
 藏峯偏有响聲巖大孤猿啼

徹金輪曙臥龍咽醒玉華
 涎誰吹鐵笛隱屏巔隱屏峯名

天柱高標仙掌寬
 忽然長嘯回頭看
 仙童兩兩紫羅襪
 欄問余何許來遊山
 余時俛仰一笑指天關
 天關玉帝宴大姥
 虹橋駕空奏韶夏
 朱衣偷得半鑪香
 面澤春容粉黛假
 帝傍風雲生叱咤
 靈貺屯膏喝中野
 我

欲驅雲雲不開我欲鞭風風乍阻呼朋叩關關吏嗔
雙雙擠向百越下我本雲間跨鶴徒翻作江潭釣鰲
者釣鰲鰲不來跨鶴鶴飛去噫嘻百越誰堪語百越
烽煙去未還來遊閩越暫開顏九年不厭探奇絕那
得人間路幾千武夷仙人中黃班我欲尋之話夙緣
借問遠遊幾時還仙童兩兩騎上天袖中揮出珊瑚
鞭縹渺仙樂下雲端武夷仙人搖珮環恍如遺我九
還丹餐之頓令神清閒逍遙忘却行路難振余轡今
及余冠武夷仙人笑相看笑相看復相語爲道天公

憐愛汝汝今日覩此何時春光澹蕩和天倪惠風披
拂鳴天雞道無荆棘遊人偕宜耄童嬉向青雲去巒
荒泉石無留奇武夷仙人久相待汝曹底事來何遲
君不見武夷山水迴春姿神霄在處生光輝巍峩聖
哲仙人陪仙人一見面聖哲長歸依洞開閭闔高聽
卑有歌莫苦知音希猗嗟乎古人今人皆好奇青春
作伴真其時我今振衣千仞今濯足萬里滄浪漪左
提錢鏗右挾胡朱一真寥廓忘九溪羸得春遊到武
夷

憶昔行答范中吳寄唁

我年十七君廿五棘闈北舍逢秋雨君奇我文君領
薦我歸復出云何補君今未遇我成邊尺書唁我君
良苦君家兄弟世業殊文采聯翩照兩都人生窮達
貴適志轉眼流光過隙駒手君詩篇念往昔他日逢
時君豈徒

鄭郭兩給事載酒藍溪山

鄭君蕭閒郭君老青瑣相携碧山好我行輟棹藍溪
邊杖策忽坐清風前山光水色遙明滅憐君醴酒爲

我設悠然秉酌任去留君今高臥更何求

聘君行

有引

余過鎮江時侍御仰山尙君方按吳中因過
余舟深相慰勞且謂曰先侍御君嘗抗疏罹
禍家慈每撫走背誠勿效也然不能忘先侍
御君志今覩足下良負心矣君故持風裁不
詭時好業旣別去會家大人書來復道君過
式余舍且欲以文待詔故事薦家大人家大
人堅遜謝不敏君顧曰得無違雅志乎乃止

不薦余既感君高誼適過江西瞻吳聘君之
里爰有懷焉作聘君行

高山流水風含煙美人誰響伯牙絃我思聘君握遺
編高臥忽出聲赫然山中泉水碧於天流向人間那
似前白沙老子坐談禪浮名豈必驅幽燕吳中待詔
凌飛箋歸來閉肆良自便我家大人好清修少年英
氣淬吳鈎下帷文學有源流卓行不詭道可謀赤瑛
盤上珠光浮鳴世還思振大猷遭時不逢老桂秋抗
志物表傲林丘紅塵肯落一羊裘寵錫不願兒曹酬

使君高誼薄人寰巖穴未暇青雲攀憶昨征槎出鄉
關大江波浪高金山君掇瑤草開朱顏飄然爲語道
路艱我今戍隔青海灣人生那得風塵閒高堂回首
雙鬢班何許仙人搖珮環

磨崖閱唐中興頌

唐家馬嵬腥妖血漁陽鼓鼙震帝闕明皇西幸靈武
興李郭功成胡運滅社稷還收反掌間一時恢復真
奇絕元郎有頌老文章魯公大書巖石裂至今蒼壁
生輝光殷鑒遙存遠褒妲山靈呵護鬼神驚漫郎遺

宅秋煙平鐵筆蕭蕭凜生氣直臣長仰顏真卿

遊朝陽巖同惟修

瀟江之滄朝陽巖流香有洞磬石懸鏗然恠聽玉作
聲神蛟疑出舞蒼淵洞豁陽明在人境流一片鏡光
連羲景廻旋薄林杪孤亭窈渺構其巔仰攀青冥曠
我襟朋來露頂涼風前頽然一醉忘機事湘水湘山
那可憐

湘山寺無量壽佛示寂龕

禪家洗心守空寂寺藏猶銜不朽骨衆人競逐法王

身誰知性去無靈均大化不生亦不滅陰陽變合真
活潑從來塵劫卽菩提莫向浮生空自迷

全州大雨 有引

八月十六日過全州將渡興安斗時久不雨
斗苦涸惟修遂議登陸業戒人徒矣余怯瘦
骨艱行且謂旱久當雨堅艤舟以待是夜果
大雨明日發舟殊捷惟修顧謂曰我夜禱雨
隨應余笑曰君欲洗路塵耶雨乃爲我濟舟
耳漫援筆記之

海陽山斷湘灘口何年鑿引成巨斗歷陟千級慎啟
封我欲渡之苦早久吳郎此際遽擔簦獨怯病骨猶
難守纜結枯槎夜向分風雷忽作龍大吼俄頃靈澤
翻天瓢大江小江鮫石走曉來江浪平秋煙捩柁似
飛歡舉酒憶昔韓公開嶽雲精誠豈復干穹佑雨平
雨乎端爲誰應遣蒼生年大有

殷石汀學憲邀遊風洞山

巖石高飛插南斗中開大竅風雷吼風雷吼作蒼煙
橫曲磴遙撐削壁平使君携我躡霄步飄發羣峯驚
指顧下瞰灘江泝石流徭吹猿嘯客心愁桂林山水
秋自好臨觴那用傷懷抱

舟甫泊岸乘輿便登青山

九月五日發灘江十月五日來此邦登臨率爾憇山
木遊覽飄然凌石瀧赤幹扶疏禽聒聒白巖蕭颯泉
淙淙揮鳥走從蒼莽上拔劍坐令鯨鯢降時有清風
散煙霧人無雅賦開敦龐白雲飛揚望可極浩蕩春
光祇滿腔

戲題朱山人畫石菊

香齋集 卷之十
畫菊畫其標誰能畫精神朱生所畫頗奇絕孤枝偃
仰開嶙峋翻手披襟不堪摘風流空散煙霞春古人
愛菊有佳色今人識假不識真捲畫對菊堪自笑清
香無數搖秋旻

南野歌贈周山人 有引

周君號南野性朴茂敦孝友常代其兄戍遼
陽有隱德與家大人交契遂同家大人來粵
中不聞關于友誼尤可風云

城社蕭疎薄南野熙朝結構臨其下左披草樹春相
鮮右枕江濤秋欲瀉倬彼人士好潛修務本力農方
隱者家奉天經少遜弟同居合爨情靡假鴻鴈嗷嗷
時忽戾西風吹折紫荆樹遘閔初傾輸逋囊荷戈竟
代遼陽戍萬里烽煙良苦辛黃雲慘淡胡塵蔽骨肉
真堪共歎生疆場豈負男兒志天家肆青烏夜啼歸
來蓬鬢半成絲奄忽親朋幾凋謝飄零家累愁調饑
蓬門不厭充藜藿廉賈聊營俯仰資北遊燕趙南楚
蜀天壤悠悠任所之嗟君豈復忘家舍生不逢時羨
餘寡俄從老父來粵中交誼通家元自雅秋風江上

送君歸滿眼朱門競趨捨願君清白貽子孫無志輕
裘乘大馬

李生行贈內弟李立卿

李生意氣不可量豐願聳骨真昂藏代治麟經發銳
穎傲倪人世無炎涼蹇予狂繆造天役銜恩荷戟殊
井疆畏途升沉異交態爾獨萬里相隨何慨慷憶昔
先朝李獻吉憂時代草韓公章一朝闕禍傾人紀詔
獄逮繫路徬徨賢哉姻弟左國玉徒走從行義所將
憤然上書康太史激之救李脫虎狼吁嗟古誼不復

作萬事頽流良可傷予才謝李志或過方爾左氏宜
相當遭逢 明聖寬轡策寄懷吟諷時傾觴李生意

氣不可量君恩友誼皆天常道在人倫散庶物古來
神聖挈其綱人心惟危道心微操之則存舍則亡李
生養志汲幾康分陰莫復負青陽惟學遜志務時敏
緝熙無怠有明先祖貽休烈行振揚予談象器徒糝
糠

看山行

昨日看山熱沾汗今日看山寒擁氈世態炎涼知幾

許借問山靈胡亦然山靈向人恍如語從來天地有
寒暑非關天上生春寒地氣蒸雲風作雨江流滾滾
漏波濤山光閃電搖江臯驚雷欲躍雙蛟出坐客觀
者何其豪忽然霽景澄江練蒼苔石壁霞成霰向來
雲霧失晦冥頃刻江山暑雨變吁嗟乎熱一時寒一
時熱可炙手寒離披世眼靡靡睨寒熱嗟爾寒熱何
能爲君不見曠士真遊蔑幻迹隨緣滄嶼生顏色酒
酣撫掌天地寬安知炎涼寒暑在人間

節婦謠爲朱母賦

嗟哉中媾古難哲况也粵徼誰當旌有偉碩人貞以
靜吾采謠者揚其聲鄧家處子朱家婦相夫以禮無
晨鳴那期遘閔孀居早誓不重膠鸞匹盟厥孤呱呱
方五歲躬操績臬課學成貧也堅持儉也適足不履
閔遺世情卽今秉節三十載吾友其子朱明卿閭然
好修敦古道絕迹關白肩編氓賢書高領遲仕版菽
水不厭攻韓檠倚今令母往哲婦吾聞鄧族推鄉評
亦有鄧室孀一紀庶幾追母並蜚英印作褊衷欽婦
烈逝者白窠妻水清尚存斯母振閨範擊節淚墮逐

新舊集 卷之十 三十一
臣纓斯歌或借警偷俗嗟爾生不負天非求名嗟爾
生不負天非求名 舉人白家妻
亦貞節婦

青山風雨同何李二生泛舟出橫槎因成口號
春風吹破青山色春雨茫茫江草碧江濤湧出白蓮
花沙樹流雲走相射雲中一榜蓬恢恢中有仙人天
上來神遊八極那可識榜聲搖曳大光開山中居民
惟相語只今江上多風雨借問郎今渡何處儂亦從
之採蘭去仙人大笑瞠雙瞳採蘭爾若能相從吾呼
江上雨師爲爾掃江雨吾呼山中風伯爲爾驅山風

題雲泉宗室畫雪梅兼有白龍寺詠梅詩題其上

上

梅花有神誰寫真陰何題破愁騷人生憎好景堪帶
雪江山一點無纖塵幻丘帝子神仙骨白龍宴酣吟
七發憐芳却與梅傳神畫作雪梅渾似活瘦毫點出
枯株又吟章瀟灑壓橫楂水練星星撐鐵幹墨枝片
片落永花我坐炎荒雪難值梅花縱開失風格雙手
擎披瓊樹圖夢斷江南折春色

花燈歌

邕管流風上元好落剪花燈拂春草客來逆旅春五
逢燈花片片搖晶籠恠底香閨金錯竅玲瓏恰掩裁
成妙佳人賽巧娛流光才郎誰續雲錦章逢時吐談
經綸手雄風那向娥鬟偶翻惜花燈空爾爲拋取韶
華剪作糜丈夫染指闕聞道俄頃能殊女紅巧我有
心燈覺日新萬象回光四海春

夏夜最高臺對月戲占一首

仙娥似嫌桂宮冷走向瑤臺刷炎景銀河初轉漏聲
長江光一片懸明鏡仙郎無伴每相尋對客揮杯灑

孤影酒面茶煙風起遲芙蓉落淨人偏醒

南安憶張東海先生

南安太守遺芳聲吾松東海張先生當時正逢全盛
日先生掘起負英稱漫論詩翰凌時輩作宦米操人
最清先生尤自勵風節卓然不詭宦情輕至今人重
東海筆良以其人非藝成逝者如斯不可作我思前
輩失儀刑鯁生竊忝鄉後進志大才疎無一成偶過
南安披郡志先生名宦特崢嶸流傳手蹟更珍惜鐫
墨籠紗半草行翻憶良工心獨苦動爲不朽薄世榮

名高時忌身先退當塗往昔誰持衡自古憐才元不
易乾坤浩笑成狂醒登途掩卷一沾筆風流千載有
餘情當時空忌先生進難掩于今身後名彼哉齷齪
一瞬息幻真莫辨胡蠅管人生所貴修能好傳世豈
必皆公卿吁嗟乎東海先生亦不朽南安太守遺芳
聲

尚友吟三首

其一

唐虞德遠夏功頽商周慚德夷齊哀霸術橫流孔鐸

響斯文未喪賢哉回簞瓢不改卓爾樂富貴於我浮
塵埃參魯還傳一貫脉四勿三省同胚胎上天之載
無聲臭魚躍鳶飛委去來伋誠無息軻義集浩然氣
塞天地開廣居良貴匪在外性善誰能盡其才邈流
欲尋洙泗源四子安在我心摧

其二

霸流王熄無窮期世君代作同營私聖遠言湮漢疏
雜正誼猶存董仲舒敦行尚節士濟濟漢室還是中
興時風斯降矣人鬼蜮一膜胡越民作糜主德不競

臣道枉大綱萬目咸澆漓尚有王通韓愈氏孳孳補綴剖藩籬河汾中說半醇疵吾愛原道無多岐咸英響絕聽濩武三子安在我心思

其三

宋家老儒慕聖殷繩趨尺步鳴人羣周官法度元非本夫子文章可得聞范量韓猷司馬行名臣輩出光世勲有儒茂叔圖太極伯淳定性良大醇民吾同胞物吾與關中文字有西銘弄丸半洩先天秘誰云數學非道真諸儒競談理性妙膠瑟恐異皇王墳從此

善類立門戶同道爲朋還自分波流又落禪下乘或啜糠粃作至珍朱陸持論雖異派陸虛朱實自相成大道元無二體觀人品還從一念分猗嗟道學陋功利却移功利垂空文鄙哉傳統賈虛譽雕龍刻鷲徒紛紜躬行君子我未得妙機不測樂我云世態翻然換伎倆數子安在我心慙

猛省行兼示諸友

人皆可以爲堯舜我獨何爲非丈夫罔念作狂克念聖鷄鳴爲善良坦途真機活活上下察成性存存聲

臭無勿忘勿助安汝止廓然順應與化徂上達由來
從下學夾持敬義德不孤嗟嗟寓形過隙駒心爲形
役迺大愚哲夫坦坦鄙夫戚紛華一蔽伎倆拘寧識
良心元未泯浮雲於我何加諸胡爲乎競珍燕石拋
明珠君不見孔訓當仁顏不違超然任道遊康衢斯
人千載真不沒彼哉物誘詎非迷古今一息道長在
升堂入室由人趨無然畔援無歆羨斷斷先登復委
誰孔顏之樂人皆有堯舜以來心不殊日月逾邁歲
云老生不聞道等羣狙念之令人竦毛骨拔劍一躍

斬意魔有志不立氣不帥竝生天地真頑懦勸君知
耻及時遷日夕乾乾惕所圖懋哉懋哉慎復初無爲
頻復頻離踵故吾爲山九仞起一簣範我賢範模聖
模好學汝爲君子儒孳孳喻利豈吾徒

慎獨放歌

顏山人過訪索題因與坐
談慎獨遂括歌諷示之云

大道言筌世浪傳誰認本來真面目陰陽不測元有
神萬古乾坤同一獨顯微隱見從斯生獨往獨來七
日復世代隆污更迭尋皇王帝霸憑推轂教籠賢智
勢籠愚簸盪生人頻換局仲尼獨立春秋時羣蒙開

竅文在茲回仁伋誠參至善鄒軻浩氣非合離大包
宇宙小塵息人具衆妙疇當知淳龐氣散獨作恠隨
生伎倆真可唾影響無端還起滅惟有神獨無窮期
獨斯爲主羣斯僕古今轍迹空相逐真吾何在寶幻
形妙機獨得堪歸宿等視造化如小兒廓之無外歛
一掬慎今慎今莫自迷默識三三與六六仙禪殊教
一派分莊語卮言由秘祝江西老子遊八方訪余一
笑形兩忘惟狂克念本作聖惟聖罔念惟作狂幾希
一判成霄壤傳語老獨休猖狎民可由斯罔使知皇

綱聖教維天常天地立心民立命還驅豺虎護麟鳳

竅文在茲回仁伋誠參至善鄒軻浩氣非合離大包
宇宙小塵息人具衆妙疇當知淳龐氣散獨作恠隨
生伎倆真可唾影響無端還起滅惟有神獨無窮期
獨斯爲主羣斯僕古今轍迹空相逐真吾何在寶幻
形妙機獨得堪歸宿等視造化如小兒廓之無外歛
一掬慎兮慎兮莫自迷默識三三與六六仙禪殊教
一派分莊語卮言由秘祝江西老子遊八方訪余一
笑形兩忘惟狂克念本作聖惟聖罔念惟作狂幾希
一判成霄壤傳語老獨休猖狎民可由斯罔使知皇

綱聖教維天常天地立心民立命還驅豺虎護麟鳳

采薇集貞冊

抱一山人董傳策漫賦

絕句五言

渡江三首

落日射江紅隔岸沒雲樹四顧天蒼涼客子渡何處
江風揮不開江花片片落一榜駕長空欲跨雙飛鶴
山石枕江流煙濤渺何許中有凌波人乘風自來去
放帆二首

夏雨溜山濤涼風洗炎熱鳴榔掛一帆那怕江潮濶

片帆遙江風江風流不住樹裏有人家問此是何處
過仲路讀書堂戲占

聞義喜乘桴有書何必讀結纓義難精書應讀未足
渡濟寧

濟水來天上洪流望不穿不知神禹績猶自憶堯年
嚴子陵釣臺戲占

君辭諫議歸我冒狂疏出登臺怕見君歸舟理簑笠
憶弟

春愁攪鄉思春鴈鳴何許雨洗故園花風吹棗棠樹

路橋

柳枝矯欲舞春興不堪攀我有琅玕竹將無勝爾顏

夢歸

宵夢歸去來春光滿長陌忽聽曉樓鍾依然遠遊客

五月江漲

炎飈噴山湍江水高於郭樹沒雉煙平地蛙鳴屋角

穀旦陰

穀旦元占穀那堪竟日陰邊氓正艱食况復荷戈心

夏月

皎月落炎宵傾我離人臆清光迴不磨北照千山色
聽杜鵑贈陸山人

妙明心印物杜宇聽非冤素宰元游衍誰招古帝魂
江上

飛鳥沒雲深千峯不知處渡頭忽生喧客子乘潮語
題白雲和尚扇二絕

太虛知幾許妙際生白雲本來非別物我共汝爲羣
寂即雲歸處照即雲出山迸成一片白體拈錫杖環
絕句六言

江村

林塢日高蟬響風江水落舟懸漁人戴笠酣釣牧子
騎牛晏眠

野渡

煙橫野渡迷曉風急斜溪蔽天遊子曲肱醒裏征夫
側足操船

絕句七言

諸曹長破涕爲別

漢署交朋愁曳裾扶瘡聊復暫躊躇休將別淚傷蘭

佩猶剩明時流涕書

陳蘇山同年報編南寧戍

職方明誼尚惓憐編成煩將尺籍傳
邕管自唐今萬里可堪遊子瘴鄉煙

發直沽

直沽襟海控京塵北望青山隔暮春
幾許客遊迷渡處到來猶自問行津

漳河道上

瘦來耕壟麥星星江墮林煙白亂青
漳御漕艘半零

落倭奴猶帶羯奴腥

閘上

閘翻江水急於彈舟落驚風樹欲寒
客起忙呼牢把舵岸邊漁叟坐盤桓

阻風

天吳飄發亂江花蛟蜃虛窺五月槎
誰障層波偏閣淺萍踪應自笑忘家

王中丞過訪偶成

庶僚尚重嬰時忌臺綱猶復顧流人
敢言社稷驅王

役應念全生荷 帝仁

清河懷古二首

天險頻驚出呂梁年來河決正猖狂不知禹畧今何

似却與洪衝塞篲囊

禹順水之性今徒事築塞抑未矣昔人疏濬塞三法猶非本論

奈何但出其下策哉

邳石當年王氣深古城雲樹自陰陰赤松博出商山

皓那似清宵秉燭心

子房因人成事其去雲長大節遠矣世以成敗論人惜哉

廣陵懷古

隋苑淒涼思不勝青螺五斛渡遼曾江都幾代談興

廢猶有瓊花在廣陵

舟發吳江同年吳仰峯載酒來訪吳時以比部

郎奉使審錄

詔使風流舊有名芳樽江上喜君迎劇談莫問中朝

事解網還寧失不經

時詔獄尚有揚給諫諸君

題上竺山房

三竺登臨興不賒凌空梯閣是僊家道人濯足清泉

下疊嶂雲飛萬樹花

諸故舊偶談下理事漫述解嘲十二首

非關負氣排黃閣祇為傾心向赤墀世事披靡愁絕
裏備員元是詰刑司

疎條諺語袖中焚欲達宸聰詎假文却剩殿災陳

數事當時草就未遑聞殿災時草疏會禁中止

吏榜喧催主使供誰將心事訴蒼穹結交若也希干

進妙選應非案牘中

漫論孤憤犯朝卿肯怨清華斬職名縱令西曹遲散

局不應愁似戍邊程聞時宰語人悔不入余清華選

曹郎投分氣橫秋法從懸衙豈竝謀自是憂時心偶

協却憐牽率困追搜余疏與于儀約惟修偶同爾

旁掠無端坐越官聖朝諸署許封彈天工自愧難

陳力虛負明君撒漢冠

陳劾元非媒遇途箇中辛苦險忘吾舍香穩歷通衢

在祇戴皇恩報欲圖問官指為媒遇故云

恬夷慣得累芳聲誰道狂言博直名底事犯難拋易

筭應知心不為名榮

吳癡偃蹇逗涼曹更耐批丹寡譽髦此日蕭騷驅絕

徼天壤端合似鴻毛

非關負氣排黃閣祇為傾心向赤墀世事披靡愁絕
裏備員元是詰刑司

疎條諺語袖中焚欲達 宸聰詎假文却剩殿災陳

數事當時草就未遑聞 殿災時草疏
會禁中止

吏榜喧催主使供誰將心事訴蒼穹結交若也希干

進妙選應非案牘中

漫論孤憤犯朝卿肯怨清華靳職名縱令西曹遲散

局不應愁似戍邊程 聞時宰語人悔
不入余清華選

曹郎投分氣橫秋法從懸衙豈竝謀自是憂時心偶

協却憐牽率困追搜 余疏與于儀約
惟修偶同爾

旁掠無端坐越官 聖朝諸署許封彈天工自愧難

陳力虛負 明君撤漢冠

陳劾元非媒遇途箇中辛苦險忘吾含香穩歷通衢

在祇戴 皇恩報欲圖 問官指為
媒遇故云

恬夷慣得累芳聲誰道狂言博直名底事犯難拋易

筭應知心不為名榮

吳癡偃蹇逗涼曹更耐批丹寡譽髦此日蕭騷驅絕

徼天壤端合似鴻毛

仕道非勾鸞鳳符親心肯愛轂丹朱記將養志俄蹉
跌嫁女須嫌戀丈夫時余老親尚未膺封典

攬權英主更寬仁薄疏誰疑判殞身寄謝愿夫還

老洳全生猶幸未忘親老洳出莊子

歐陽子云縱令得罪而死不為忘親况未及死乎

心懸子翼豈晨昏宦成應期道并存誓向艾修無悔

色休將往事更平論

宋侍御緘貽升菴集

博洽非專藝者書漫漫憑爾雅注蟲魚窮愁太史拈奇

筆鐵柱遙煩慰謫居

次子儀上清宮一絕

瘦筇乍向空山拄蒼煙遍繞雲飛處山中夜半吹紫

簫應有仙人共來去

衡嶽偶成五首

南極崔嵬萬仞岡秋風淅瀝破炎荒山僧指點溟濛

裏世界茫茫似海洋

仙人跨鶴乘雲去兜率斜橋尚有名老衲伴雲恣偃

臥松花飛落萬山清

仕道非勾鸞鳳符親心肯愛轂丹朱記將養志俄蹉
跌嫁女須嫌戀丈夫時余老親尚未膺封典

攬權 英主更寬仁薄疏誰疑判殞身寄謝愿夫還

老洫全生猶幸未忘親老洫出莊子

歐陽子云縱令得罪而死不為忘親况未及死乎

心懸子翼豈晨昏宦成應期道并存誓向艾修無悔

色休將往事更平論

宋侍御緘貽升菴集

博洽非專藝者書漫憑爾雅注蟲魚窮愁太史拈奇

筆鐵柱遙煩慰謫居

次子儀上清宮一絕

瘦筇乍向空山拄蒼煙遍繞雲飛處山中夜半吹紫

簫應有仙人共來去

衡嶽偶成五首

南極崔嵬萬仞岡秋風浙瀝破炎荒山僧指點溟濛

裏世界茫茫似海洋

仙人跨鶴乘雲去兜率斜橋尚有名老衲伴雲恣偃

臥松花飛落萬山清

鶴馭飄飄曙色蒼凌風遙住翠微旁眼中法界清如
許那得浮生有底忙

上方夜擁藤床坐一氣清明星斗班七十二峯看不
到獨敲幽磬響禪關

羣峯秋帶關河轉全楚天吞江漢浮一望蒼梧南斗
落何時還擬斷清遊

嶽下懷子儀惟修

雲濕芒屨踏嶽回亂峯疎靄若爲開湘南自古容疎
放好共牽闌去復來

夢子儀

別去衡陽鴈唳秋可能乘興作奇遊故人昨夜來清
夢吹斷剛風自客舟

登迴鴈峯

鴈飛不到衡陽渡何事征人萬里來銅柱玉關俱漠
漠秋深湘浦鷓鴣哀

峯頭修竹亭亭殊清致可愛夜坐烹茗寺僧因
持冊索詩漫次鶴樓一絕

竹院泠泠茗供清潮陽石鼎亦彌明涼宵月出青峯

出何許風高唳鶴聲

北望

秋高南楚桂枝殘
搖落青峯獨耐看
狂客支頤頻指
顧浮雲何處是長安

再遊朝陽巖

朝陽有巖遊不足
風落泉聲響幽谷
巖頭忽有道人
來巖下依然湘水綠

苦瘴

瘴落天低山氣昏
江迷白草斷雲根
午煙乍撥遲羲

馭又帶徃吹鎖暮村

閱吳石湖公南寧二鳳歌因口占呈惟修

漫勞長者歌南鳳
却憶莊生喻木鷄
梧樹竹枝空好在
靈修應復任雲泥

曉梅

月落參橫逼曉粧
鶴翻清露點霓裳
癯然冰玉凌烟
出借問春儲幾斛香

題茉莉花

冰葩暗麝來天竺
削玉團酥淡不粧
儋耳憶簪黎女

牙齋集 貞冊 九
髻清輝應復破炎荒

採蘭

紉佩昔聞騷客賦握香今憶漢宮春幽芳不向炎荒
改採掇還應薦美人

移寓

屋裏青城圃種瓜薰風池面拂蕉花他鄉幾度看羈
旅客思飄飄正憶家

張少府惠箋漫走復簡

曾憶南人陟釐紙張華博物更堪看衍波蕭索風烟

在憑仗交藤賦曉寒

陟釐行波
俱箋名

謝人送書尺

金溶楞角靜朝暉水清寒先生鐵衣耐可縱橫披簡
牒墨奴偏解數行飛

紀聞

紫闥維新絳節開龍楹螭角袖雲裁砮可復驚裨
竈海宇蒼生半草萊

時聞
內殿頻災

旱災厲禁途值荷校者偶簡張少府二首

細氓罹禁堪垂泣旱魃流金柰爾何恠底穹慈閔玄

澤此曹汗血欲成河

大佛慈悲方解厄

張故好佛

恒暘况復赤郊原
憑誰妙悟

桑林禱弛禁寬誅洗鬱煩

庭栽素馨花偶憶楊太史絕句因反其意

涼靈翻塔怯曉粧
冰蕤珠瓣暗飄香
幽人簪合應憐汝
錯把風流惱陸郎

劉山人償詩戲題一絕

賞花頻灑衝泥飲
輸債俄披落紙煙
明日春風還杖屨
詩筒應倒白雲篇

睡起

鶯啼清曉綠林班
客意蕭蕭只閉關
今日戍樓鼙鼓

歇夢消春色到家山

春雨迴文

風簾半雨池搖白
鳥喚春花樹落紅
櫳繞竹衫寒影
薄夢侵煙海碧飛鴻

望家書口占

客館依依春晝長
江天漠漠自炎荒
東風若解思親意
吹却平安字數行

吳將軍送玄猿

疎雨籠煙午不開玄猿白日嘯風臺越中處子今何在只合由基矯矢來

坐久二首

春塢茶煙夾霧傳沉沉石竹鎖春寒晝長門外忘喧語滿架圖書讀半殘

一榻香消石几閑篆煙輕透水花斑塔前鹿過苔痕濕雲影輝輝點白鷗

喜晴

春城煙景散和風曙色依微曉樹紅恠得羣陰都屏伏火輪飛出正盤空

歐兵憲貽葵扇端溪硯時適有寇警

金線稜然蒲角輕秋風吹落墨煙平東山元有淮淝捷詩陣憑君好洗兵

端溪石文理黃者謂之金線文

漁埠詞

楊柳青青燧火紅石泉飄落百花風孤舟亭午搖漁埠津名多少啼禽煙靄中

清明江上

江天風雨又清明客子乘槎聽水聲坐捲蓬櫺迷野
渡青山盡出一雲屏

牛軋灘

牛軋灘橫瘴霧深浪花飛出石森森從來幾渡孤舟
客江水無情客有心

內怨詞

余荆婦從余久客瘴鄉居常有愁容無懣色
余異而探焉戲為作內怨詞

夫君自合報王家瘴地無端守歲華薄命隨緣親萬

里離愁幾許看秋花

食苦瓜

東山戍憶敦瓜苦南徼瓜嘗苦味嚴涼頰頓回炎海
夢却憐遷客久忘甜

訪客啜檳榔

急脚胡奴髻半斜客來提榼手雙叉檳榔擎出班斲
片灰白萹青當獻茶

邕人以青萹葉白灰和檳榔啜之客至盛榼以獻謂之代茶

啖王皮果

碧樹離離金彈垂膏凝甘露嚼來奇木奴秋色珍如

許那似香飄溽暑枝

摘蓮房

練塘秋曉淡雲窩折得波心翠卷荷
冰蘭擘殘珠珥
累清香消受病維摩

寄橄欖

波斯薦翠味回甘嶺樹秋高拂瘴嵐
記得吳都會有

賦錫甌蜜緘到江南

邕橄欖最佳名波斯種法用錫甌包之雖寄遠不損

詠蕉子

蕉子垂垂結陣黃綠枝風扇迴凝香
生憎膏膩甜於

蜜消得幽人在異鄉

啖荔枝二首

鐵幹婆娑落子紅方苞剥出水晶籠
炎荒正惹長卿
渴却啖瓊漿半洗空

南風熏落出墻枝丹渥羅囊玉露披
博得風流瘦吟
骨蘇郎曾寫黑猿詩

剪春羅

芳叢輕灑玉顏駝却惹東風笑欲
傴疑是洛陽花別
種南中喚出剪春羅

觀音蕉

蕉樹從來葉扇青却擎丹萼大於瓶
觀音禪性元貞靜那得猩猩染數層

了哥

籠裏清音奈若何玄衣朱吻慧無過
秦樓鸚鵡休相妬瘴煖聲聲叫了哥

人面子

翠裏團囊顏帶駝箇中甘味夾酸渦
只緣人面看來好支膝秋風脚睡魔

奶頭菓

流火輝輝樹欲垂青林披落絳囊奇
趁虛擔却娘行瘦好採枝頭哺乳兒

邕人謂市爲虛諸村婦荷擔入市謂之趁虛

九層皮

栗怯香滋薯怯奇蒸來皮裏裹層皮
饒君露底元無骨恠得包藏肉太肥

水泡菓

花放金絲香裊林彈垂鬆穰核拋心
南人不識林檎味却認池邊水泡侵

枸椽 枸椽大柚也南中多此品迺獨無橙

斗落南林香滿枝釀成風致錯尖披却消一味吳江
夢秋壓黃橙勝柚皮

寄曝蕉

曝來緝顆瘦於腸石蜜釀膏壘貯香漫憶秋風半搖
落頰虬飛出傍江鄉

竹風

瘦來青竹不勝枝暑撲茶煙風半披怪底鳳笙吹未
得啼禽猶復妬幽棲

病起登樓自嘲一首

登樓每似愁王粲倚榻真成病馬卿怪爾瘦來堪到
骨天涯猶自作雷鳴

郊遊望陳李二莊

門對青山竹繞隄閒看秋水白雲齊雙莊大隱堪高
臥多少幽禽向午啼

望波貽詩有壺中坦坦之句隨筆走答

坦坦元來樂在中壺天真見古人風懸知洗耳清流
處雲白山青許我同

月中懷陳舉人醉臥

玉燭秋光夜漏偏
廣寒仙子正高眠
枕圓假有相思
夢疑在瑤臺桂樹邊

山巖月明有李舉人榻

半榻清風石屋中
冰輪幻出水晶宮
關心桂子今何
處猶有浮雲點太空

陸山人榻上聞鶴

一鶴翛然唳曉寒
旅人清夢怯更殘
陸生慣有華亭
恨喚起齊食玉露盤

陸氏園亭

君愛淵明歸去來
園林徧把菊松栽
熙時剩有南山
望不用荆軻詠客哀

冬夜與陸山人臥舟中夜半逸去

高枕宵披半榻風
覺來清曉失龜蒙
懸知未買山陰
棹幾向延陵語法空

陸好談禪茲往
訪吳惟修云

詠槐

暖簇輕煙春晝長
東風吹破一林樨
艷陽自合憐芳
客却與幽人伴寂寥

隔溪李

蕭蕭粧就一株穠半映清溪惹笑容假識九標宜月
裏肯將春恨訴東風

閨思

春風何事拂幽閨恰聽流鶯任意啼獨倚鏡臺渾不
語夜來清夢到遼西

早春花雨

梅花綻子楸花落底事炎荒弄早春却笑花枝春作
妬夜來風雨一番新

讀文文山集

英風自許匡時出浩氣誰當配義成好是丹心元不
死知公非博汗青名

十三日夜客集

寒壓春光夜漏遲沉沉燒燭鎖燈期客來惹起懷鄉
思幾處星橋掛竹枝

家君書來聞余避客有學明道勿學伊川之戒
明道春容正叔方自嗟違俗攬親腸好憑粹養陶福
猿漫負狂愚懶自強

顧侍御索醃菜走筆二絕

荒徼蝸廬太瘦生，
簞瓢一味嚼來醒。
也知西粵金齏鱠，
不薄東吳玉糝羹。

繡衣乘傳屏藩蕪，
瘴霧澄清菜作脯。
上界仙廚元自

好，須知使者是冰壺。

蘇易簡謂菜爲上界仙廚，欲作冰壺先生傳。

望家書

親懷客思兩茫然，
極目征鴻已隔年。
絕塞可堪頻臥病，
青天白日更誰憐。

謝人貽荔枝

火齊枝頭啖欲欺，
肯分瓊液灑幽羈。
借問赭虬珠得似，
應翻新曲賽娥眉。

喜何妹婿至爲開酒戒

有引

余戍炎徼七載音，
問寥絕玉岑何丈適。
至喜不自勝，
丈素淳德此行衝。
冒煙瘴幾萬里，
于親誼良渥云。

獨抱離愁久鬱然，
喜君來晤遠相憐。
雙親報我長清健，
滿引寧輸斗酒仙。

中秋夜雨勞中翰，
諸生見過因同何。
妹婿小酌

漫占四首

幾度秋光掩客顏
廣寒今夜許誰攀
懸知怕照離人影
故遣浮雲閉玉關

雨洗中秋芋作盤
瓜親猶喜聲交歡
玉輪冰鏡知何處
贏得涼宵鬧酒寒

旅樽寥落客頻斟
醒眼何妨秉燭心
試問熙朝老中翰
幾看秋月換晴陰

待月宵分河已傾
雨聲蕭颯倍關情
人間誰解知微技
天柱峯頭好月明

用趙知微事

夜雨不寐

客况蕭然篔簹欲寒
夢回炎海漏初殘
也知清世無羈旅
消受天家雨露寬

經海棠書院有懷吳惟修

淮海秦觀瘴海祠
風流異代亦堪悲
故人幾別橫槎去
客意凄其漫詠詩

經伏波祠

赤心報國奇男子
黃髮籌邊老丈人
每向祠前彈戍缺
遐征今日重沾膺

渡烏蠻灘

又渡烏蠻溜峽湍烽煙回首成遊難客心久已恬于
水肯作人間險路看

遊鳳凰巖戲題

清時鳳鳥今何處荒徼空畱鳳鳥名幾向帝廷儀上
瑞高山流水自雙清

下南山有木若巖箕坐眺江偶成一絕

石巖化作木巖開脉脉江流半印苔箕踞一枝渾不
語清風吹徹渡喧來

遊故李員外剡曲池亭

幽園點出數椽虛剡曲風生水竹居亭上狎鷗休綴
語遊心元已失鳶魚

亭名狎鷗

唧唧蟲聲閣閣蛙為誰零落為誰譁黃楊厄閏無主
主猶遣薰風扇物華

遊吳家莊有懷吳尚書公二首

絕塵孤介鐵肝腸園自蒼涼水自香塵劫苦磨心不
死清風偏得世流芳

誰云瘴徼物鍾靈人似先生照汗青松栢歲寒應不

改任渠蒲柳望秋零

夢陸山人 生贅癩覺而嘲之

一笑看君詠四休 贅癩夢斷更優游 肖形假合元非有 應是虛中一贅癩

峽山題勝十二首

葛仙亭

風磴凌空萬仞開 孤亭屹立碧霄隈 葛洪何處烹丹 鶴剩水殘雲也有胎

二禺祠

黃帝二庶子採崑崙竹協樂遂隱此山

帝子臺空清吹生 希音千古不勝情 試聽幽谷泉鳴 處猶帶崑崙斷竹聲

達磨石

達磨直指非關石 叅得禪宗石亦靈 葱嶺淨根元自 在臨流磨石臥看星

歸猿洞

玄非迷物物迷玄 育箇嬰孩母棄捐 玉環亦是人間 物古洞玄歸妙不傳

峽志猿化人 妖迷一士子 生兩孩 因過寺還僧玉

環遂歸洞去此仙流託幻妙喻而蠢夫繆以爲真
跡顧其心當恍然有疑漫爲就景提醒恐非上根
人猶難悟耳

犀牛潭

崑崙珍貢水犀殘金鎖拋潭落影寒笑殺漁翁收拾
去犀亡那得作珍看

崑崙國貢犀繫以金鎖犀至此潭忽拋鎖亡去後
漁者周仲宋拾鎖以獻

獅子石

狡狴幻出老僧容怪狀何妨稟聖衷休傍石邊尋此
怪冷然天籟響山空

梁西域三藏法師過禺山遇一老僧貌甚怪忽復
不見師曰此聖僧所居遂往東南見一怪石若狡
狴因名爲獅子石

釣鯉臺石

趙胡會此釣江干釣得神魚江水寒龍種假饒餌不
嗜絲綸應不掛漁竿

龍磨角石

枕江奇石起烟波爲有龍來角作磨靈漚怪今藏妙
用幾施玄澤洗炎病

和光洞

和光洞是拂塵禪五色榴看二氣全參透此宗無上
乘菩提元不離塵緣

相傳和光洞
有五色榴花

讀書坑

傳心非必假書明書爲傳心立教盟粵義微詞忘妙
領誤人文字豈殊坑

縹幡嶺

唐師南討破哥舒神夢縹幡遣將初粵寇祇今愁旅
怯玄威應復借干旗

凝碧灣

誰開南峽溜迴湍雙掖青山石嚙痕一嘴峻嶒流不
斷箇中應有窟龍蟠

峽山閣陳文詩却寄

誰識泉心誰洞玄詩中嘉話被人傳歸來領得逍遙
境應似山遊抱佛眠

方暉山別筵曾爲余道峽山之寄對景懷人漫

成口號

別時曾道峽山奇看到山奇憶別時
悵望古邕江水闊當筵忘借峽山詩

峽洞懷子儀惟脩偶感猿事戲占二首

張生亦是廣猿精謫向羅施峽失鳴猶記昔年談
峽勝獨遊愁隔二同聲

伉儷塵心未解還中原赤子正愁顏
山僧久已拋神物幾對君王乞賜環

曹溪見六祖真相

本來面目還應認誰是凡形誰是真
休遣世人尋佛相禪師元已悟三身

六祖曰三身者清淨法身汝之性也
圓滿報身汝之智也千百億化身汝之行也

輿夫笑余行李蕭然余笑而占焉

昔賢出牧隨琴鶴羈旅誰燒七聖財
商吏憶搖蘇柳頰可堪商成效尤來

佛經有七聖財

過贛州

嶺江樞鍵壓崆峒開府今看牧鎮雄
古學濂溪忠信

國宦游誰復接流風

贛有崆峒山子周子文文山俱宦虔州

雨餘江溜舟發殊捷

日淡風融轉夏涼新波坐捲一葦航
澹晨穩臥逾雙站翻怪過舟遡
絳忙世人耽順境而昧逆境之苦海如此

過吉安

名境螺川古擅奇蒙岡牛嶺帶清規
水晶玉版非珍

物表郡還憑忠節祠

周益公詩金柑玉版筍銀杏水晶葱

端午鷓鴣灣同惟修因懷子儀

昔年端午艤漕牖追憶俄成七換年
此地戍遊仍索莫故人離晤各隨緣

佳節扁舟何處開鷓鴣灣裏漾青苔
江鄉角黍偏應好獨採菖陽供酒杯

贈老僧出關二絕

祖師提唱吼獅王般若元憑幻識藏
自濯靈根還自悟禪關出入總無妨

聖諦禪詮亦教門僧家衣鉢好歸根
本來定慧非殊品一喝開關更莫論

武夷金雞洞有仙蛻其下爲臥龍潭

金雞啼落半溪煙客思踟躕幾自憐欲向仙郎問消息怕來驚起洞龍眠

接筍峯四首峯巔有劉汪二道人余病不欲躋絕險獨吳子挾余一价人往訪之明日余復招劉下磴與語汪亦贈余詩一絕

接筍峯高自有真武夷平地亦生春仙郎誤入桃源去休向雲深更問津

古松蒼翠不勝春底事癡願伴隱淪一悟天遊忘陟

險玄機隨處有綸巾

劉號古松汪號癡願

冥棲何事博遊人詩句猶堪俗眼新却笑當年狎舉伴幾來息駕惹芳塵

汪解作詩亦以仕紳訪惠爲重

世上癡人幾識真假緣猶得動儒紳峯頭仙露清如許肯換棋枰一局春

峯頭有亭名仙奕行部使者題其石壁曰仙掌露

伏羲洞畔一石名仙掌石

伏羲古洞秘真丹仙掌空擎玉燭寒春風秋水無人識却向金莖問露盤

玉女峯對鐵板嶂其前爲粧鏡臺偶題二首

玉女臨溪瘦整容仙凡夢隔幾春風
可堪鐵嶂遮粧面獨照丹心一鑑空

玉立清標鏡自磨孤稜仙子意如何
憑誰媒作雙貞匹免向人間惹棹歌

白玉蟾坐禪巖用白玉蟾體二首

白玉蟾曾此坐禪仙巖我亦抱禪眠
琅玕種出春無數一竅橫空萬仞圓

萬仞圓成曲曲天竹枝清吹落風泉
道人不識胎真祖疑是當年白玉蟾

分水嶺偶成

高嶺分藩二水雄江闔今日自同風
客來領得山靈去消受天家春意濃

奉荅族祖談禪二首

卽心卽佛非為有非佛非心不是無
悟得有無從此出點頭搖手是真吾

簡中有一點頭搖手俱是俱不是之語

無饑那用餅充饑不渴隨他梅子肥
畫餅望梅休認假世間梅餅是還非

簡中又有畫餅充饑望梅止渴之語

園亭遣興四首

柴門人靜柳依依風捲浮雲鳥倦飛欲向江鄉賦招
隱到來秋色上荷衣

半幅平湖數點山園林纔卜暫應還休言戍客知秋
早幾度風塵鬢欲斑

小徑疎籬護落霞園蔬新摘點瓶茶也知清世容

疎放不共湘纍怨蕙花

客心何事轉夷猶閣外停雲水不流試向苧城還騁
望年來晴雨幾番秋

程